



მედიცინის სიახლენი

ქართველი ექიმების მორიგი სასწაული და კიდევ ერთი გადარჩენილი სიცოცხლე



ქართველი ექიმების მაღალ პროფესიონალიზმსა და თავგანწირვას არაერთხელ გაუოცებია საზოგადოება. მაგრამ ის, რაც 7 ოქტომბერს მოხდა აკადემიკოს ნ. ყიფშიძის სახელობის ცენტრალურ საუნივერსიტეტო კლინიკაში (რესპუბლიკურ საავადმყოფოში) ნამდვილი სასწაულია.

კლინიკაში სასწრაფო სამედიცინო დახმარების ბრიგადის მიერ შემოყვანილ იქნა 43 წლის ქალბატონი, რომლის კრიტიკული მდგომარეობა და შესაბამისად, უმძიმესი დიაგნოზი შეფასდა როგორც სიცოცხლესთან შეუთავსებელი. ახალგაზრდა ქალს სიმაღლიდან (მე-5 სართულიდან) ვარდნის გამო

აღნიშნებოდა პოლიტრავმა - ქალა ტვინის დახურული ტრავმა, კომა, ხერხემლის მალეების ხაზოვანი და კომპრესიული მოტეხილობები, ზურგის ტვინის კონტუზია, გულმკერდის ღრუს დახურული ტრავმა, ფილტვების დაჟეჟილობა, გულმკერდის აორტის დასწვრივი ნაწილის ტრავმული რუპტურა (გაგლეჯა, გახეთქვა), მუცლის ღრუს დახურული ტრავმა, ღვიძლის ტრავმული დაზიანება (მე-5 სეგმენტის ნახეთქი), ორივე კიდურის წვივის ძვლების ქვედა მესამედის ღია დამსხვრეული მოტეხილობა, ტრავმულ-ჰემორაგიული შოკი. როგორც უკვე აღვნიშნეთ, პოლიტრავმის ხარისხი შეფასებულ იქნა როგორც სიცოცხლესთან შეუთავსებელი.

ყველა თვითმხილველი და ნებისმიერი ადამიანი, ვინც კი იგებს ამ ფაქტის შესახებ, გოცნებას ვერ მაღავეს - როგორ გაცოცხლეს ეს მკვდარი ქალი ექიმებმა, როგორ ააწყვეს თავიდან მთლიანად დაშლილი ორგანიზმი!

ეს სასწაული კი მართლა მოახდინეს ჩვენმა პროფესიონალებმა! კლინიკის გადაუდებელ დეპარტამენტში პაციენტის შემოყვანისთანავე დაუყოვნებლივ იქნა მიბილიზებული ემერჯენსის ექიმთა გუნდი, ქირურგთა ბრიგადა და რადიოლოგები; მიმღების ექიმები - მიხეილ ბერიაშვილი, ნიკოლოზ კვაჭაძე, თეა თავართქილაძე; ქირურგები - გიორგი კენჭაძე, ირაკლი ფიფია, დავით ლოლაძე, ლევან თოხაძე; ტრავმატოლოგები - კობა სირბილაძე, არჩილ ჯვარშიშვილი, გრიგოლ ნემსაძე. მათ დაუყოვნებლივ, ერთი წუთის დაგვიანების გარეშე საოცარი სისწრაფით ერთობლივად მოახერხეს ოპერაციული ჩარევა, პაციენტს ჩაუტარეს აორტოპლასტიკა, წვივის ძვლების ოსტეოსინთეზი ღეროვანი აპარატით (წვივის ძვლების ოსტეოსინთეზი შემდგომშიც იგეგმება), შეუჩერეს სისხლდენა, ურთულესი ტრავმატოლოგიური ჩარევის გარდა, რამდენიმე დღის შემდეგ ნეიროქირურგ არჩილ ჯვარშიშვილის მიერ ჩატარდა ხანგრძლივი ოპერაცია - ხერხემლის სტაბილიზაცია, და რაოდენ არ უნდა გაგიკვირდეთ, ახალგაზრდა ქალი რამდენიმე დღეში ადექვატური და კონტაქტური გახდა. ის რეანიმაციული განყოფილებიდან მულტიპროფილურ განყოფილებაში გადაიყვანეს.

უდიდესი მაღლობა და თავყვანისცემა ჩვენს ექიმებს, იმისათვის რომ მათ თავი არ დაზოგეს, მაღალი პროფესიონალიზმი და ძალისხმევა არ დაიშურეს ახალგაზრდა ქალის გადასარჩენად.

როგორც დენი დიდრო აღნიშნავდა: "ექიმის თავგანწირვა სწორედ რომ გმირობის ტოლფასია, რადგან სოცოცხლის გადარჩენა ყველაზე დიდი გმირობაა ქვეყანაზე!"

რეკომენდებული



[თინათინ გოცაძე](#)
[ამ ავტორის სხვა სტატიები](#)